



**Advokatska/Odvjetnička komora
Federacije Bosne i Hercegovine**

Broj: 3079/24
Sarajevo, 31.07.2024. godine

HITNO!

**ADVOKATI/ODVJETNICI
ADVOKATSKE/ODVJETNIČKE KOMORE FBIH**

PREDMET: Obavijest o početku primjene odluke o organizovanju protesta sa obustavom rada advokata/odvjetnika

Poštovani/e,

Dana 11.07.2024. godine putem regionalnih advokatskih/odvjetničkih komora dostavljena vam je odluka Skupštine Advokatske/Odvjetničke komore Federacije BiH, broj: 2913/24 od 29.06.2024. godine, o organizovanju protesta sa obustavom rada advokata/odvjetnika u predmetima odbrane po službenoj dužnosti pred Sudom Bosne i Hercegovine, počev od 01.08.2024. godine, do ispunjenja zahtjeva advokata/odvjetnika i to: da se usvoji prijedlog izmjena i dopuna Odluke o naknadi troškova krivičnog postupka prema Zakonu o krivičnom postupku Bosne i Hercegovine koji je upućen Ministarstvu pravde Bosne i Hercegovine 15. 09. 2023. godine, te da se izvrši isplata cjelokupnog duga naknada i nagrada za rad advokata/odvjetnika u predmetima odbrane po službenoj dužnosti i oslobađajućim presudama zaključno sa 01.08.2024. godine.

Obzirom da je zaključno sa danom sačinjavanja ovog akta utvrđeno da nisu ispunjeni zahtjevi advokata/odvjetnika, traženi predmetnom odlukom, obavještavaju se svi članovi Advokatske/Odvjetničke komore Federacije BiH da se odluka Skupštine Advokatske/Odvjetničke komore Federacije BiH, broj: 2913/24 od 29.06.2024. godine primjenjuje od dana 01.08.2024. godine.

Podsjećanja radi, predmetna odluka obavezuje sve članove Advokatske/Odvjetničke komore Federacije Bosne i Hercegovine.

Nepostupanje članova Advokatske/Odvjetničke komore Federacije Bosne i Hercegovine po istoj predstavlja težu povredu dužnosti advokata/odvjetnika u smislu odredbe člana 78. Statuta Advokatske/Odvjetničke komore Federacije Bosne i Hercegovine.

Predsjednik
Advokatske/Odvjetničke komore FBIH
Bekir Gavrankapetanović, advokat

Kopija dostavljena:

- Ministarstvo pravde Bosne i Hercegovine;
- Federalno ministarstvo pravde;
- Sud Bosne i Hercegovine;
- VSTV BiH;
- Disciplinski tužioc regionalnih advokatskih/odvjetničkih komora;
- Arhiva.